

АКАДЕМИЯ НАУК АРМЯНСКОЙ ССР
ИНСТИТУТ ИСТОРИИ

АРМЯНО - РУССКИЕ ОТНОШЕНИЯ В XVIII ВЕКЕ

1760—1800 гг.

СБОРНИК ДОКУМЕНТОВ

ТОМ IV

Под редакцией акад. АН АрмССР М. Г. НЕРСИСЯНА

ИЗДАТЕЛЬСТВО АН АРМЯНСКОЙ ССР
ЕРЕВАН 1990

Բարձր գերազանցագոյն Պալ Սարգէիշ, ողորմածագոյն բարերար տէր մեր:

Յիսուսի Քրիստոսի նուազ ծառայ տէր Յովհաննէս կաթողիկոս Աղուանից հայոց և սրբոյ Աթոռոյն Գանձասարու, յորմէ քրիստոսական սուրբ և միարար ողջունիւ նոյնասահման և հշմարիտ սիրով աստուածային և բազմառատ օրհնութեամբ գիտացնէ գերազանցագոյն վերոյ գրեալ տէր մեր բարերամ*: Բարձր գերազանցութեան ձերոյ առաքեցեալ այլն Գարրիէլ գրով սրբազնագունեղ արքեպիսկոպոսին Յովսէփայ էհաս առ մեզ, և զամենայն ի գրոց անտի գիտացար: Քանզի հրաման է ինքնակալութենէ պայծառափառ տէրութենէ ձերմէ ելանել և ազատել զազա մեր ի ձեռաց անօրինաց և զերկիրս մեր և զմեզ ի ներքոյ ինքնակալ տէրութեան ձերոյ նուաշել*, որպէս երանելի և յարեւնական փառացն ժառանգորդ մեծ կայսրն Պետրոս ունէր ի մտի և խորհրդի առ ի ազատել զմեզ, որպէս նախնիքն մեր հրամանաւ նորին մինչև Ժ (10) կամ այլ աւելի տարի ընդ անօրինաց պատերազմեցան թէ ընդ օսմանցուն և թէ ընդ զղբաշուն, մինչոր անյոյս լիեալ նաղր շահն եկն և նուաճեաց զմեզ:

Իսկ արդ՝ այժմ որովհետեւ լուաք այդ աւետալի և փրկարար լուրդ ցընծացար ի հոգի և ի մարմինս մեր, և յամենայնի անձնէ և ի զօրութիւնէ մերմէ յօժար կամօք և սրտի մտօք քանամք և զանձինս մեր զենմք մինչև ցմահ ի վերայ այդր աւետալի լրոյ:

Զի մեր հնգեսին մէլիքքս* մեր հոգեւոր հովուապետան կաթողիկոսաւ, եպիսկոպոսօք և մարմնաւոր իշխանօք, երկրբաշօք*, տանուտեւրամբք, զօրապետօք և զօրօք և հասարակ ժողովրդովք [կամք] մինչև ի (20.000) կամ ի (30.000) սպառազէն արամբք և զօրօք նաև հրաման է ձերոյ բարերար տէրութենէ մինչև երկուտասան Ռ (12.000) զօրօք զալ յերկիրս մեր և կառաւարութիւն նոցին ի մնալ Գրէք, թէ կերակրոյ և հացի զօրացն և թէ անասնոց, ձիանց և այլոց կենցաղաւարութեանց ձիմերայնոց* և ամարայնոց առ այս լո՛ւր ծառայիցդ քոց, ու տէր մեր, զի ի (30000) արամք պարտիս զալ, զի ճոխ և պայծառ երևիլ անօրէն աղագացն տաճկաց:

Եւ թէ վասն կերակրոյ զօրացն արքունի հոգաս, այս այն բարելի Ղարապազն է, որ նաւոր շահն ԳՇՌ (300.000) արամբք ԲԳ (2—3) տարի մնաց, ոչինչ նեղութիւն չբաշեց զօրք նորին: Այժմ բարերար ողորմութենէ ձերմէ կարօղեմք ի (30.000) զօրքն արքունի մինչև ի (20—30) ամն կառուարել աստ ապահով և անպակասքս յամենայնի, զի թէպէտ տէրդ մեր ոչ էս տեղեակ բարի բարուց երկրի մերոյ աստծով ուրախարար գալստեամբդ քոյ իմանալոց էս, զի մեր խորհուրդն և կամքն այս է, որ աստծով, երբ մօտենայք երկիրս մեր, պատրաստ եմք առ ի ծառայելոյ զօրօք մերովք ձեզ: Պարտի տէրդ մեր ծառայիցդ քոց լսել աղաչանացն, յամենայն կողմանէ միամիտ լինիլ թէ կերակրի կողմանէ, թէ հացի, թէ գինոյ, թէ ձիթոյ, թէ ձգան*, թէ երկրոյ, թէ կաթոյ և թէ արջառ և ոչխար մսատու ամենայն ինչ առատութեամբ լի է երկիրս եւ թէ տեղոյս տաճկաց և խաներաց որպիսութիւնն հարցանես ի լսելն ի ձեռք

ա՜հ և երկիրդ ձեր պատեալ պաշարեալ է գտնա, բեկումն ի տեառնէ, սոցա միայն գայս ասէն, թէ ի գալն նոցա մեր ևս ծառայելոց ևմք նոցա: Աստծով ոչ որ չգայ* այս կողմունքս, որ ընդ ձերոյ մեծութեանդ կարիցէ ընդդիմանալ կամ կոտիլ:

Զի խնդիրք և հայցուածք մեր այս ևն շոռաջի տէրութեան ձերոյ, զի զոր, ինչ առնելոց էք, շուտ և ոչ այսօր վաղն ձգէք, զի որքան սիրտ չեն առնալ անօրէնքն դայք, որքան լսեն և ոչինչ երևի, սիրտ առնուն և արխային դառնան, զի սորա այնքան արք չեն, որ կարեն ինքնակալութեան ձերոյ բան մի տռնել, աստծով ՚ի գալն ձեր ամենեքեանք յոտս ձեր ևն դառնալոց:

Եւ որ վասն ձմերկոյ* զօրացն արքունի հարցանէք, աստծով ունիմք այնպիսի տեղիք, որ ձմերն* ամենեկն ապահով և ջերմ, որ ոչ ձիւն երևի և ոչ ցուրտ, խոտավէղ* և առատ որպէս դաշտն բերրի Մուղան և կամ Ալիսաուտն կոչեցեալ, նատր շա՛հն ևս ի տեղերս ձմերէր*, և որ ամռանն ունիմք ծաղկաւէղ* լերինս ապահովս կարկաջահոս* անմահական աղբերամբք և ջուրքք լի, որք ՌՔ ՌՑ (հազարք հազարաց) զօրս զէտէղէ կարին: Եւ յերկրիս մերոյ եղեալ ընչիցն հարցանէք, կարօղեմք ասել, թէ ոչ գոյ այսպիսի վայելուչ* և երջանիկ բարեւի երկիր ի վերայ աշխարհի, զի ունիմք պայծառ և զեղեցիկ ցորեանս անշափս, կարի*, կորեակ, հաջար, լալթուկս զարմանազանս, բակլայս, ոլոռն, ոսպն, սիսեռն, լուպիայս և այլ ամենայն ընդեղենս առատս և ձիթատու հատս բազումս, արբըշումէ մետաքս ամբաս* և պատուականագոյնս, բամբակս յոլովս, նալթս, աղս, ձէթս և ի հանքս և մետալս*, ոսկիս, արծաթս, կապարս, պղինձս, երկաթս, շիպս և այլս, և ունիմք անասնոց՝ ձիս տաճիկ և զարմանալիս և օղախաղացս, թէ մատակք և թէ որձք յոլովակիսդ, ուղտս երամակովս, չորեակս ընտիրս, էջս յառատս, ոչխարս անշափս, սևատաւարս բազումս, գոմէշն յոլովս: Եւ ՚ի մրկաց* ունիմք անթիւ ալգի, խաղողս զանազանս և տեսակ տեսակս, որ մինչև ի տարին բոլորին մնան նոյնով կերպիւ, որպէս ի նոր հատանել ի թփէն, գինիս ազնիւս և զարմանալիս, երազս բարեհամս և այլ օշարակս քաղցրահամս, նուոս կերպիւ կերպիւ պատուականս, խնձորս անթիւս և զարմանալիս, տանձս մնացականս և ամառնայինս տեսակ տեսակ, թութս, ծիրանս, ալբուխարայս, զեղծս, թուզս ազնիւս, կեռասս բարեհամս, ալուշայս զանազանս, շամշիայս և այլ միրգս յոլովս և անթիւս, ընտանիս և վայրիս:

Եւ ունիմք գմեծ գետ Կուր և այլ յոլով գետս մեծամեծս և մանունս, առոյս լաւագոյն[ս] աղբիւրս անթիւս և բարեհամս, բերելով ինքեանս ձգուն մեծամեծս և մանունս քաղցունս և բարեհամս, զի դայսբան երկարիլիս մեր վասն մեծագունեղ բարձրութեան ձերոյ էր, զի գիտասջիր զինչ և զորպիսութիւն երկրիս մերոյ: